

R Deo gratias.

R Totum factum est ut adimpleretur quod dictum est a Domino per prophetam.*Ecce in utero Virgo habebit et pariet Filium. † Et Joseph vocabit nomen eius Jesum. Ecce in utero....

—DIA 19 DE ABRIL.—

LECTIO I.

—EX DOCTORIBUS.—

Beatus ille servus, quem constituit Dominus suæ Matris solatium, suæ carnis nutritium, solum denique in terris magni consilii coadjutorem fidelissimum.— Ora pro nobis, Sancte Joseph.— Ut digni efficiamur promissionibus Christi.— Oremus.— Sanctissimæ Genitris tuæ Sponsi quaesumus, Domine, meritis adjuvemur, ut quod possibilitas nostra non obtinet, ejus nobis intercessione donetur. Fecit me Dominus quasi Patrem Regis et Dominum universæ terræ; venite ad me, et ego dabo vobis omnia bona. Sancte Joseph, noli despiciere animam meam; et animas servorum tuorum.— Oremus.— Custodi nos Domine, protectione perpetua, qui beatum Joseph Unigenito tuo nutritium et Virgini Matri custodem providisti. Per eundem Christum Dominum nostrum.— Amen.

—*Eccl.*

Nos hæc sublimia, &c.

R Deo gratias.

R Exaltet nostrum sanctum Institutum, divinum Josephum.*Quia Jesus et Maria plenissime gaudent. † De cultu Sanctissimo Joseph devote exhibete.— Quia Jesus....

LECTIO II.

Præcipue circumstantiæ matrimonii Mariæ et Josephi.

Quum Virgines in templo Hierosolymitano usque ad nubilem ætatem pervenissent, tunc Pontifex publice denunciabat ut Virgines in templo constitutæ et quæ pubertatem impleverant, domum reverterentur propriam ut nuptiis operam darent. Sola Virgo Maria hoc se facere non posse respondit, quia Domino Virginitatem voverat. Pontifex in angustia constitutus ad consulendum Deum de more accedit, et vox de propitiatorio facta est requirendum esse cui Virgo illa desponsari et commendari deberet, cunctosque de domo David nuptui habiles non coniugatos Virgas suas allaturos ad altare perducere et cuiuscumque virga flores germinasset, et in eius cacumine Spiritus Domini in specie columbæ consedisset, ipsum esse cui Virgo commendari et desponsari deberet. Quod quum in Josepho feliciter contigisset statim omnibus apparuit hominibus Virginem ei desponsandam fore, et tamquam magis idoneus divino miraculo iustus Joseph fuit electus ut benedictus inter viros, fidelis moribus ipsaque specie maior. Quid enim præstantius toto terrarum orbe reperiri potest quam coniugem esse Deiparæ? Si laudatur maxime Joannes quod Virginem a Christo commendatam in suam acceperit, quibus laudibus afficiendus erit Joseph qui Virginem non in suam solum, verum in suam etiam coniugem accepit? Fuit revera noster Joseph simillimus suæ Sponsæ Mariæ, et cum Maria sine peccato actuali, et cum Maria sine labe conceptus.

Nos hæc sublimia, &c.

R Deo gratias.

R Joseph cum Maria multos annos vixit.*Cum ea habitavit, cum ea familiarissimae, ut cum Sponsa, conversatus est. ¶ Catena aurea pretiosissimis gemmis ornata divini matrimonii vinculo circumdatus est. Cum ea habitavit. . . .

LECTIO III.

*Hominum ruinam per Hevam et Adamum
—reparatio autem per Mariam et Josephum—*

Quum Deus Omnipotens de reparanda primorum parentum ruinam curam gereret, summa sua sapientia ordinavit et decrevit quod sicut illi matrimonio coniuncti proditionis causa extitere, reparatio nostra a Maria et Josepho matrimonio copulatis initium sumeret, et sicut mali origo ab Heva processit serpenti praebente assensum; eodem modo a Virgine angelo consentienti fieret nostrae salutis initium. Per foeminam et hominem mors, per foeminam et hominem vita; per Hevam et Adam interitus, per Mariam et Josephum salus; et sicut serpens prius mulierum seduxit et postea virum, sic etiam angelus prius Virgini Incarnationis mysterium declaravit, ingressus Angelus ad eam dixit; Ave, gratia plena, ecce concipies in utero et paries Filium et vocabis nomen eius Jesum, et postmodum Josepho, ingressus Angelus ad illum dixit; Ave, juste, id est, gratia plenus, ecce Virgo tua concipiet in utero habens de Spiritu Sancto, pariet Filium tuum, et ut revera virginalis Pater vocabis nomen eius Jesum. Quomodo cogitare potest meus discreta quod Spiritus Sanctus tanta unione coniugii, scilicet, uniret menti tantae Virginis aliquam animam nisi ei virtutum operatione simillimam? Credo Joseph fuisse mun-

dissimum in virginitate, profundissimum in humilitate, ardentissimum in charitate, altissimum in contemplatione.

Nos hæc sublimia, &c.

R Deo gratias.

R Ergo fuit absque peccato actuali.*Etiam levissimo. ¶ Ergo fuit etiam sine labe originali conceptus, tamquam vir simillimus suae Sponsae Mariae. Etiam levissimo. . . .

—DIA 20 DE ABRIL.—

LECTIO I.

—EX DOCTORIBUS.—

Ave, Joseph, gratia plene, Jesus et Maria tecum benedictus tui in hominibus, et benedictus fructus Sponsae tuae Jesus. Sancte Joseph, Pater nutricie Jesu et beatæ Virginis Mariae Sponse, ora pro nobis clientibus tuis, nunc et in hora mortis nostrae. —Amen.—Magna est gloria ejus in salutari tuo Domine Joseph; gloriam et magnum decorem imposuisti super eum.—Oremus.—Fac nos Domine genitricis tuae Sponsi merita digne recolere; virtutes ejus puritatis, charitatis et vitæ absconditæ perpetuo imitari; ut ejus apud te intercessione, omnia nobis adversantia, in hora mortis superare valeamus, et ad te feliciter pervenire. Qui vivis et regnas in sæcula sæculorum.—Amen.—*Eccl.*—Cum omnia quae sunt uxoris sunt viri, credo quod beata Virgo totum thesaurum cordis sui, quem Joseph recipere poterat ei liberalissime exhibebat.—*S. Bern.*

Nos hæc sublimia, &c.

R Deo gratias.

R Si ergo Virgini Matri tota Ecclesia Sancta de-

bitrix est.*Quæ Christum suscipere digna facta est.
 ¶ Sic profecto post eam divino Josepho debet gratiam et reverentiam singularem. Quæ....

LECTIO II.

Joseph fuit coadiutor Jesu et Maria in omnibus.

Fuit ergo divina sorte Sanctissimus Joseph electus, non solum in adiutorium Mariæ, sed etiam in adiutorium Christi. Non est bonum Virginem Matrem Filii mei esse solam, faciemus ei adiutorium Josephum simile sibi, ut esset carnis Jesu virginalis Pater, suæ carnis nutritius, et magni consilii adiutor fidelissimus; et ut in omnibus Christo Domino et Virgini Deiparæ adiuveret, et sit perfecte et integre de hominum ruina per Mariam et Josephum humani generis copiosa resurgeret redemptio, et nostræ damnationis instrumentum in cruce rumperetur, quia scriptum est; Affigens cruci chirographum decreti, quod erat contrarium nobis, spolians principatus et potestates; et Christus condonabit omnia et hoc deleus chirographum adversum nos. Ad cuius tantæ rei adiutorium tum Maria, tum noster Joseph electi sunt ut ambo essent revera almi parentes Christi. Ad hoc autem munus aptissimus inventus est Joseph in virili ætate, ad perferendos labores aptus, ex eadem tribu et patria virginis; erat ergo Joseph iuvenis, splendidus, staus præcinctus et quasi paratus ad omnia sicut Maria. Licet utriusque sexus infirmitas propendens in ruinam turpitudinis recte honestate nuptiarum excipitur, et quod sanis esset officium sit ægrotis remedium; tamen cum neque infirmitas Virginem Mariam et Virginem Josephum impelleret; matrimonii vinculo stent ut almi parentes Jesu sint.

Nos hæc sublimia, &c.

R. Deo gratias.

R. Coniugium inter Mariam et Josephum fuit coniugium cœleste, totum divinus.*Unus spiritus, una fides et una virginalis caro fuit in eis. ¶ Sola illic carnis corruptio omnino et semper et in omnibus plenissime defuit. Unus spiritus....

LECTIO III.

Coniugium inter Mariam et Josephum fuit divinum.

Omnem nuptiarum bonum impletum est in parentibus Christi, solus ibi nuptialis concubitus non fuit, quia in carne peccatum fieri non poterat sine illa carnis pudenda concupiscentia quæ accidit ex peccato, sine qua concipi voluit, qui futurus erat sine peccato. Erga almi parentes Christi sunt revera sine peccato concepti. Magnum profecto fuit coniugium, quia non humanum, sed cœleste et magis magisque divinum, quia inter maguos coniuges, et quo maiores sunt coniuges eo maius est coniugium; ergo inter nobiles fuit magnum, inter comites et marchiones majus, inter duces maximum, inter reges et reginas excellentius; ergo coniugium inter Virginem Deiparam, quæ seraphinis ipsis nobilior erat et Josephum virum præstantissimum contractum, magnum, maius, maximum, excellentius et excellentissimum fuit; tum quia Maria Virgo et Mater concepta est sine macula originale; tum quia Joseph, virgo et Pater etiam sine macula originali conceptus est. Huius coniugii dos maxima fuit, quia non terrenas opes, non aurum, gemmas, pecuniæ ve magnam vim, sed sanctitatis ingentes divitias ambo attulerunt; magnum fuit, quia virginitate floruit, maximum, quia ab omni mundi sollicitudine alienum.

Nos hæc sublimia, &c.

R Deo gratias.

R Habitabit iuvenis cum Maria et gaudebit sponsus super sponsam.*Magna enim et inenarrabilis fuit Josephi consolatio. ¶ Quando sibi divino nutu et voluntate tam præstantissima atque dignissima Virgo fuit copulata.

—DIA 21 DE ABRIL.—

LECTIO I.

—EX DOCTORIBUS.—

Magne Joseph, fili David,
Custos date Virgini,
Quem et Virgo nuncupavit
Patrem Christi Domini.

Qui fidelis servus Dei
Datus est familiæ
Precor velis curam mei
Tanquam Pater gerere.

Invenit Joseph gratiam coram Domino suo, et ministrabat ei.—Oremus.—Præsta quæsumus Omnipotens Deus, ut sicut beatus Joseph Unigenito tuo, nato de Maria Virgine, suis manibus reverenter ministrare meruit: ita nos facias cum cordis munditia, tuis altaribus deservire. Per eundem Christum Dominum nostrum.—Amen.—Non irrationabiliter apparet, quod post anuntiationem, beata Virgo cum conjugè iverit in Nazareth Galileæ civitatem Judæ.

—*Bonav.*

Nos hæc sublimia, &c.

R Deo gratias.

R Divinum Josephum a nostro Instituto debite honore veneretur.*Quem Deus Pater honorificat in

cœlis. ¶ Et in terris Deus Filius honorat ut Patrem et Deipara ut maritum. Quem....

LECTIO II.

*D. S. Josepho nostris temporibus multas
questiones evolvere convenit.*

Sicut enim de Deo uno ac trino, de immaculata Virgine Maria, de gratia angelorum ac illorum mente, de statu animarum ac de earum gloria de ceteris scientiæ et gratia donis et ministeriis accurate plures theologi disputavere de angelorum vero rege, nostro Josepho, eiusque dignitate gratia scientia, meritis ac singulari felicitate longe maiori diligentia nostris miserrimis temporibus videtur a nobis tamquam dilectis filiis suis disserendum esse. Id revera facere convenit, tum, quia est per se dignius, iucundiusque atque ad pietatem accomodatius de SS. Patriarcha prolixas contexere disputationes, tum, quia cum sit ille revera Pater noster, qui in Sancta Ecclesia prodigiosam ambabus familiis Iosephinis vitam donavit, et certissime regulis gratitudinis maxime proprium est de Patre nostro S. Josephi dicere ad eius laudem omnia, quæ possimus. Quum alioquin dignitas S. Josephi supra omnem angelicam dignitatem et officia altus assurgat; cur de collatis illi a Deo præclarissimis donis, non modo quæ ex fidei principiis, verum probabiles etiam coniecturas non proferamus? Quod si pro nostra tenuitate aliquid ad id proferamus, fiet ut immaculatus noster Joseph et rostris honorabitur et cathedris, quia melius est de illo vel panca ad hunc finem coniectare, quam inferiores creaturas certitudine etiam mathematica cognoscere.

Nos hæc sublimia, &c.

R Deo gratias.

R Gloriosa dicta sunt de te, o bone Joseph, tamquam de Patre Dei, fundavit te Dominus in montibus.*In hoc cognovi, quoniam Deus voluit me munificare. ¶ Quoniam ut immaculatus non gaudebit inimicus meus super me. In hoc....

LECTIO III.

Permulta de immaculato Josepho loqui debent Sancti Dei homines.

Quamvis Sancti aliqui Patris alique auctores gravissimi, aut sacras consulendo scripturas, aut pro S. Josepho e suggestibus declamando, laudes eximias, encomiaque illustra sæpe congesserint; quamvis ardentissimo capti amore erga S. Josephum precibus et hortamentis nostrorum filiorum et filiarum ut calamum arriperemus, tamen incerti animi multo hæsimus tempore, et tenuitatem ingenii nostri et eruditionis inopiam iure timentes; verum, tum amor nostri Josephi, tum debita filiis nostris suspiria timorem excusere, et gratum deinde nobis fuit et elaborasse opus et absolvisse, quoniam illud non theologiæ studiosis tantum et Verbi divini Prædicatoribus, verum etiam nostris duabus familiis, quia hoc officium persolvere debent, maximam allaturum erit utilitatem. Quid enim ad seriam concionem efforandam utilius, quam eam non quasi reiturum ædificium super arenam, sed solidis fundamentis posse firmare? Quid enim sinceræ menti et linguæ gratius, quam, inventa veritate, secure eloqui verisque et non fictis præconiis orationem illustrare? Quid obsequio nostri S. Josephi dignius, quam legitimam scripturarum interpretatione, sanctorum Patrum

eloquiis, theologorum firmis ratiociniis ad solium famæ et immortalitatis illum evehere? Hoc quidem nostro opere ambæ familiæ Iosephinæ assequuntur, tot enim ad quotidianas orationes ex eo haurire poterunt, quot quæstiones unius diei seria meditatione ponderarint.

Nos hæc sublimia, &c.

R Deo gratias.

R Deus enim creavit me in iustitia.*Deus per suam misericordiam apprehendit manum meam. ¶ Et servavit me ab omni peccato actuali. Deus per suam....

—DIA 22 DE ABRIL.—

LECTIO I.

—EX DOCTORIBUS.—

O felicissimum virum beatissimum Joseph cui datum est Deum, quem multi reges voluerunt videre et non viderunt, audire et non audierunt; non solum videre et audire, sed portare, complecti, nutrire et custodire. Tu, Joseph, es refugium meum, a tribulatione quæ circumdedit me.—Oremus.—Deus qui dedisti nobis regale sacerdotium, præsta quæsumus; ut sicut beatissimus Joseph, Unigenitum tuum natum de Virgine Maria, suis manibus in hoc mundo reverenter tractare meruit, et portare, ita nos facias cum carnis nuditia, et operis innocentiâ tuis sacrarum altaribus deservire, et sacrosanctum corpus ejusdem Filii tui, hic digne sumere, ut in futuro præmium habere mereamur. Per eundem Christum Dominum nostrum. Amen.

Nos hæc sublimia, &c.

R Deo gratias.

R Congruit nostro Instituto laudis aliquid vel honoris.*Pro Patre nostro divino Josepho instituere. ⁊ Cujus honor in Jesum et Mariam mirabiliter redundat. Pro....

LECTIO II.

Quia multum diligimus S. Josephum, multum de illo loquimur.

Multa de S. Josepho Scripturæ divinæ Patresque nos edocent, plurimaque pro iusta materia coacti sumus sola, sed certa probabilitate nixi, in parvulo hoc breviario adducere. Quod si eorum aliqua, quantumvis verisimilia, vera non exstiterint, (ut in mere probabilibus persæpe evenire necesse est) gloriabimur tamen, quod pro honore et laudatione tua, S. Joseph, in lucem ea publicam produxerimus. Cogitare siquidem de te magna, etiam quæ non possedisti, est tibi quodammodo dare et hæc nobis est permagna gloriatio. Quotus enim quisqueantium est, qui in persona cuius flagrat affectu non miram pulchritudinem, non egregias dotes, non omnes charitates, ab amore ipso pro pennicillo arrepta penna non in mente depingat. Quoniam in delecti laudatione non tam intellectus loquitur quam voluntas, ut loco desertæ linguæ eloquens orator est amor. Sed loquendo de te, quid dicere possimus, quod minus non aestimetur tuis donis? Te, in Patrem virginalem; te, in Patrem putativum Deus assumpsit; et te in Dei genitricis elegit Sponsum. Igitur, quicquid de tua gloria, aut conceperimus, aut fuerimus elocuti, infra tuum iacebit meritum, et altissima tua dignitas a longe venerabitur.

Nos hæc sublimia, &c.

R Deo gratias.

R Ergo pie credimus vera, quæ de te loquimur,* Atque enixa tua benignitate contendimus. ⁊ Ut ea protegas umbra, patrocinio defendas, serenoque vultu aspicere digneris. Atque....

LECTIO III.

De prædestinatione Trinitatis terræ.

Prædestinatio est specialis Dei erga salvandos Providentia, qua, nimirum, eos in vitam æternam per certa media infallibiliter et cum effectu perducit; aut præscientia et præparatio beneficiorum Dei, quibus certissime liberantur, quicumque liberantur. Et quia inter plures actus Dei, tum voluntatis, tum intellectus, datur ordo intrinsecus et objectivus et virtualis prioritatis, nos affirmare debemus prædestinationem terrenæ Trinitatis, scilicet, Jesu, Mariæ et Josephi, primum locum occupare in ordine ad omnes alios prædestinatos. Hac de causa videtur nos dicere posse; ex meritis Sanctissimæ et Augustissimæ Trinitatis terræ datur pro signo libertatis ad prædestinationem omnium hominum. Nempe, ex meritis Christi movetur Deus ad illos prædestinandos. Atque idem dicendum est suo modo de meritis Beatissimæ Virginis Mariæ ac de meritis Sanctissimi Josephi, quia ambo sunt revera almi parentes Christi.

Nos hæc sublimia, &c.

R Deo gratias.

R Etiam ante peccatum primum obtinet locum signum prædestinationis Christi.*Secundum autem prædestinationis est Mariæ. R Post Mariam immediate sequitur signum prædestinationis S. Josephi. Secundum....

Piissima

28

LECTIO I.

—EX DOCTORIBUS.—

Joseph dux est omnibus sacramentum eucharistiae frequentantibus.—*Pet. M.*—Quamvis Sanctissimus Joseph, post beatam Virginem Sponsam suam omnibus hominum statibus sit in exemplum imitationis propositus; in particulari tamen dux et magister eorum est ut qui eucharistiae mirabile frequentant sacramentum.—*Canis.*—Suo exemplo nos admonet Sanctissimus Joseph, ubique Christus in oculis jure, circa illum praesertim in sacra eucharistia praesentem, tum reverenter, tum accurate versari, et sacras functiones officiosa sedulitate coonestare.—*Canis.*—Christus Dominus per Virginem Matrem Mariam, et per Josephum Patrem ad nos venit, et in sanctissimo eucharistiae sacramento voluit remanere; et inter duo candida illa dignatus fuit pasci et nutriri.—*Pet. M.*

Nos haec sublimia, &c.

R. Deo gratias.

R. Joseph post Mariam in omnibus locis primus nominandus est.*Non enim ejus esse videtur ut in feriorem obtineat locum. ¶ Cui Salvator supra se locum concessit. Non....

LECTIO II.

Prædestinatio almorum parentum Christi facta est per modum unius.

Prædestinatio B. Mariae Virginis et S. Josephi eius Sponsi est in signo ita immediate coniuncto, ut dicere possimus ambas prædestinationes factas

esse per modum unius. Hac de causa bene aiebat Isaias de parentibus Christi loquendo; Habitabit juvenis cum Virgine et gaudebit Sponsus super Sponsam. Atque hæc coniunctio supponit eandem divinam prædestinationem, ita ut utraque prædestinatio fuerit in eodem signo, sen prædestinatio almorum parentum Christo facta est per modum unius. Ex Jesu Maria Joseph resultat in divina Familia Sacra per unionem moralem, cum debita tamen subordinatione, ideoque ita decretum est per divinam prædestinationem ut, post Jesum, prædestinatorum primum, sequatur immediate signum prædestinationis almorum parentum Christi, qui revera obtulerunt Deo omnia sua merita et etiam Filium suum in cruce pro salute et prædestinatione omnium hominum. Dum D. Mathæus aiebat; cum esset desponsata Mater Jesu Maria Joseph, nulum inter ea nomina punctum apponit, quod significare potest summam coniunctionem harum personarum, quae summa quidem est; quia ambo sunt prædestinati per modum unius. In eodem sensu Illustris Doctor ait: Mira cathena colligati sunt ab Evangelista Jesu Maria et Joseph, quia illos tres unum facit, quasi quidquid uni eorum tribuitur, alteri tribuatur.

Nos haec sublimia, &c.

R. Deo gratias.

R. Ergo quum Maria et Joseph sint unum prædestinationis signum, quod tribuitur Mariae suo modo debet tribui Joseph,*quia ambo sunt almi parentes Christi. ¶ Et Dominus Jesus erat subditus illis, nempe, Mariae et Josepho. Quia....

LECTIO III.

*Beata Virgo et Immaculatus Joseph fuerunt causa
—omnium electorum.—*

B. Immaculata et divina Maria et B. Immaculatus et divinus Joseph fuerunt causa meritoria, quamvis secundaria, minus principalis et omnino dependens a Christo meritisque eius, tum praedestinationis omnium electorum, tum existentiae omnium creaturarum, quia omnis creatura facta est ad maiorem Mariae et Josephi gloriam et honorem. Deus in suo decreto efficaci prae definitivo vidit per scientiam suam omnia Virginis et Josephi merita, oblationem et applicationem, ac per consequens direxit tum ad creationem omnium creaturarum, tum ad electionem omnium praedestinatorum, ut essent de facto B. Virgo et immaculatus Joseph causa omnium electorum et causa existentiae omnium creaturarum. Quod est proprium Virginis in nostro casu videtur mihi dicere posse proprium Josephi; quia quoties datur inter aliquas personas maior similitudo fundata in vero et legitimo titulo, ad coniunctionem conveniens est ut ordine debito scribantur in libro vitae et gloria; et, quia inter Mariam et Josephum datur maxima similitudo fundata in maximo et perfectissimo titulo, tamquam parentes Christi, denuo concludere debemus praedestinationem Mariae et Josephi factam fuisse per modum unius, ideoque illos fuisse causam omnium electorum, et omnium creaturarum, quamvis secundariam, minus principalem et omnino a Christo dependentem.

Nos haec sublimia, &c.

R Deo gratias.

R B. Virgo Maria, omnibus modis, secundum obiectum charitatis magis dilexit Josephum, quam coeteros alios,* nam Sponsus eius Joseph prae omnibus similior est Deo. V Propter paternitatem Unigeniti sui, quam illi Pater Aeternus communicavit. Nam Sponsus....

—DIA 24 DE ABRIL.—

LECTIO I.

—EX DOCTORIBUS.—

Cum omnia quae sunt uxoris sint viri, credo quod beata Virgo totum thesaurum cordis sui, quem Joseph accipere poterat ei liberalissime exhibebat.—*Bern.*—Inter alia ad quae Joseph Mariae datus est in Sponsum, hoc unum est, ut esset adiutorium simile sibi.—*Orosio.*—Cum quo Mariae loquendum est? Certe cum Sponso suo de divinis donis colloquia habebat, i aestus cordis illius patebant illi, rubum illum ardentem videbat, audiebatque. O felix homo qui talia audire meruisti.—*Pet. M.*—Beatissima Virgo etiam deprecatione sua, quam plurima Dei dona Josepho impetrabat.—*Pet. M.*—Si qui in terris devoti sunt Matris Dei mirabiles in sanctitate progressus faciunt, quantos putavimus fecisse eum qui per multos annos cum ipsa vivere ac familiariter agere meruit? qui Filium Dei educavit et suis obsequiis praesens venerabatur?—*Tolet.*—O Joseph vere fuisti tanquam lignum quod plantatum est secus decursus aquarum.—*Pet. M.*

Nos haec sublimia, &c.

R Deo gratias.

R Propter Christum et Virginem Matrem ejus.*

Omnis honor divino Josepho per nostrum Institutum exhibitus. *¶* Semper et pro semper magis præclarissimus esse debet. Omnis....

LECTIO II.

De excellentia dignitatis Domini S. Josephi.

Altissima dignitas nostri Immaculati Josephi est in eo quod fuerit a Deo electus ut esset Pater virginalis, Pater putativus Unigeniti Filii sui, eius nutritius, qui illum aleret, vestiret, portaret in ulnis, ab hostibus defenderet, in itineribus comitaretur; est in eo quod esset verus Sponsus genitricis Dei, eiu-que quodammodo dominus ac superior, custosque fidelissimus ac demum Sacræ Familiæ caput. Ut dignoscamus quanta sit excellentia dignitatis nostri immaculati Josephi, statuendum est eam esse maximam et supremam inter omnes dignitates creatas, excepta solum Dei maternitate, etiamque aliquo sensu, infinitam. Quum omnis creata dignitas sit de genere morali, consistens in hominum existimatione, loquendo de dignitate S. Josephi illa est juxta homines infinita, tum enim fundata in veris titulis nuper propositis, tum etiam quia enumerando omnes eius perfectionis gradus, nunquam perveniri possit ad ultimum. Dignitas adeo S. Josephi est principaliter de ordine supernaturali hypostatico, nam eius iam enumerata ministeria proxime attingunt unionem hypostaticam et adeo sunt ordinata, ut illi inservirent. Itaque, sicut dignitas Matris Dei; quia est in ordine superiori ad reliquas alias perfectior est omnibus illis, pariter dicendum est de S. Josephi dignitate. Præterea ordo hypostaticus est immediata coniunctio cum Deo per substantialem unionem, et proximus est

ordini divino, in quo divina natura participatur per identitatem cum tribus personis.

Nos hæc sublimia. &c.

R. Deo gratias.

R. Primo loco est Christus, secundo Maria et tertium et infimum occupat S. Joseph.* Laudate Dominum omnes gentes, laudate eum omnes populi. *¶* Quoniam confirmata est super Jesum, Mariam et Josephum misericordia eius. Laudate.

LECTIO III.

Dignitas nostri Immaculati Josephi est maxima —et suprema.—

Post loquutionem in genere de dignitate Patris nostri Josephi, videtur nos affirmare posse illam dignitatem esse revera inter omnes dignitates creatas et puræ creaturæ concessas maximam et supremam, excepta solum Maternitate Dei. Huius conclusionis fundamenta sunt talia ut per illa iudicare possumus non solum esse vere probabilem, sed etiam omnino tutum demonstrare. Hac de causa ait Scriptura; Constituit eum, (id est, Josephum) Dominum domus suae et principem omnis possessionis suae. Et juxta S. Bernardum, Noster Joseph fuit ille servus prudens et fidelis, quem constituit Dominus suae Matris solatium, suae carnis nutritium, solum denique in terris magni consilii coadiutorem fidelissimum, et non immerito illi accommodari potest quod de alio Josepho dictum est; constituit eum Dominus domus suae. Nulla ideoque est dignitas creata etiam angeli, præcursoris, aut apostoli, cuius possessioni concedatur dominatio supra Filium Dei et Mariam, dignitas autem S. Josephi talis est ut vi illius dominationem exerceat supra

Filium Dei et Mariam, nam haec est domus Dei. Ergo nulla est dignitas creata, quae non superetur dignitate S. Josephi, ac proinde ea est maxima inter omnes et suprema.

Nos hæc sublimia, &c.

R. Deo gratias.

R. Dignitas S. Josephi tanta est, ut Filius Dei illi dixerit; *Tu es Pater meus. ¶ Et Joseph Filio Dei; Filius meus es tu, et virginaliter ego genui te. Tu es....

—DIA 25 DE ABRIL—

LECTIO I.

—EX DOCTORIBUS.—

Domine Jesu Christe, Æternaliter Deus de Deo, et ineffabili humilitate temporaliter homo factus de Virgine, qui Sanctum Joseph Beatissimæ Mariæ Matris tuæ, Virginem Virgini, desponsari, et humilem humili sociari voluisti, et eum de parvo magnum, de humili excelsum multis virtutibus et magnis honoribus augmentatum, mirabiliter sublimasti: da nobis quaesumus ejus exemplo, meritis et præcibus, cum cordis et corporis munditia, veram humilitatis virtutem; nobisque in humilitate fundatis, da fidei, spei et charitatis omniumque virtutum augmentum, uti per virtuosa merita, gloriosa secum præmia consequi velemus. —*Ord. Carm.*

Nos hæc sublimia, &c.

R. Deo gratias.

R. Decet profecto immaculatum Josephum *Quem Christus veluti Patrem honorat in cælis et quem Mater ejus honorat ut maritum. ¶ Nos omnes

Josephini et Josephinae supra omnem modum veneremur. Quem....

LECTIO II.

Dignitas S. Josephi est super Angelos, Apostolos —et Præcursores.—

Cui dixit aliquando angelorum Deus; Filius meus es tu? Nullius angeli est tanta dignitas ut illi dixerit Deus; Filius meus es tu, aut ut ille dixerit Deo; Pater meus es tu. Est evidens, quia Pater et Filius sunt correlativi, et quoniam dignitas S. Josephi tanta est ut Filius Dei illi dixerit; tu es Pater meus, et ille Filio Dei; Filius meus es tu; sequitur quod revera dignitas S. Josephi est supra omnem dignitatem angelorum. Aliter, sicut nullius angeli est tanta dignitas ut Deus illi dixerit; Filius meus es tu, et quia dignitas S. Josephi tanta est ut Verbo Unigenito Patris dixerit; Filius meus es tu, sequitur quod dignitas S. Josephi est maxima et suprema inter angelicas. Loquendo de dignitate apostolica sic aiemus; dignitas apostolorum habet ex Christi ordinatione annexum principatum omnis terræ; dignitas autem S. Josephi habet ex Dei ordinatione principatum omnis possessionis Dei, tam principalis, quam minus principalis, et quia principatus omnis possessionis Dei includit Jesum et Mariam; major est ergo dignitas S. Josephi quam dignitas apostolorum. Illum, qui fuit magis dilectus inter apostolos, extulit Christus ad dignitatem Filii Mariæ et fratris sui, nostrum autem Josephum extulit ad dignitatem Patris sui; ergo maior est dignitas S. Josephi, quam Apostoli magis dilecti, et quia ministeria, ad quæ destinatus est S. Joseph sunt altiora ordine quam ministeria, ad quæ destinati sunt angeli,